



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-14-32242-1/19
Sarajevo, 06.09.2019. godine

Na osnovu člana 70. stav 1. i 2. Zakona o organizaciji organa uprave u Federaciji BiH („Službene novine Federacije BiH“, broj 35/05), člana IV, stav 1. tačka 1.9 Odluke o usvajanju projekta „Opsada i odbrana Sarajeva 1992-1995. godine“ („Službene novine Kantona Sarajevo“, br. 9/06, 15/07 i 35/12), člana 7. tačka 4. Pravilnika o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“, broj 17/14), Javnog poziva za podršku projektima pisane riječi sa tematikom Pisana riječ u funkciji da se ne zaboravi 1992-1995. za 2019. godinu broj 06-14-18631/19 od 26.04.2019. godine, te člana 4. i člana 22. Zakona o izvršavanju Budžeta Kantona Sarajevo za 2019. godinu („Službene novine Kantona Sarajevo“, broj 6/19 i 26/19), a u vezi sa Ministar za boračka pitanja donosi:

ODLUKU

o odobravanju sredstava za podršku projektu pisane riječi sa tematikom iz perioda odbrambeno-oslobodilačkog rata 1992.-1995. godine u vidu otkupa gotovog djela

1. Na osnovu zahtjeva **Udruženja za zaštitu istorijskih vrijednosti „Haber“**, odobrava se pomoć za realizaciju projekata u vidu otkupa 18 primjeraka knjige „Zaboravljeni“, jedinične cijene od 30,00KM, u ukupnom iznosu od 540,00 KM.
2. Sredstva iz tačke 1. ove odluke terete poziciju Ministarstva za boračka pitanja Kantona Sarajevo, razdjel **13**, glava **01**, potrošačka jedinica **0001**, ekonomski kod **614300**, subanalitika **DAN027** „**Udruženja građana - boračka udruženja finansiranje/sufinansiranje programa i projekata**“ i uplatiće se na račun Udruženja.
3. Udruženje je obavezno Ministarstvu za boračka pitanja dostaviti navedeni broj primjeraka knjige uz prateći akt, odnosno potpisivanje ugovora.
4. Ova odluka stupa na snagu danom donošenja.

Obrazloženje:

Dana 02.09.2019. godine, nakon obavljenog razgovora sa ministrom za boračka pitanja, Udruženje za zaštitu istorijskih vrijednosti „Haber“ je dostavilo ponudu, odnosno molbu za otkupom određenog broja primjeraka knjige „Zaboravljeni“ po jediničnoj cijeni od 30,00 KM. Radi se djelu koje njeguje tekovine odbrambeno-oslobodilačkog rata, odnosno ulogu medicinskog osoblja tokom agresije na BiH. Izdavanje ove knjige i snimanje odgovarajućeg dokumentarnog filma je na osnovu odgovarajućih aplikacija Udruženja „Haber“ podržalo Ministarstvo za boračka pitanja Kantona Sarajevo u prethodnom periodu.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Udruženja „Haber“ je blagovremeno apliciralo na Javni poziv za podršku projektima pisane riječi sa tematikom Pisana riječ u funkciji da se ne zaboravi 1992-1995. za 2019. godinu broj 06-14-18631/19 od 26.04.2019. godine (aplikacija br.06-14-20226/19 od 13.05.2019.) po kojoj su za novi projekat odobrena određena budžetska sredstva.

Udruženje je u dosadašnjem radu realiziralo veći broj izuzetno zapaženih projekata (filmovi „Vanzemaljci iznad Sarajeva“, „Krvavi ples po šeheru“, „Daleko je Tuzla“, „Bosna ili smrt“, „A bili su samo djeca“, „Prvi Korpus Armije RBiH“, „Uloga žene u odbrani BiH – Bosanke“, „Heroji u bijelom-Od zakletve do heroja“, „Humanisti i heroji-Uloga sarajevskih taksista u odbrani BiH“, „Sarajevski masakri 1992-1995“ i veći broj knjiga, koje je značajnim dijelom pomagalo i Ministarstvo za boračka pitanja) te u 2017. godini dobilo Šestoaprilsku nagradu grada Sarajeva.

Članom IV, stav 1. tačka 1.9 Odluke o usvajanju projekta „Opsada i odbrana Sarajeva 1992-1995. godine“ („Službene novine Kantona Sarajevo“, br. 9/06,15/07 i 35/12) usvojen je podprojekat „Pisana riječ u funkciji da se ne zaboravi 1992-1995“ i kao nosilac aktivnosti imenovano Ministarstvo za boračka pitanja.


Članom 7, tačka 4. Pravilnika o kriterijima za finansiranje/sufinansiranje programa i projekata neprofitnih organizacija i udruženja je takođe navedeno da Ministarstvo može na osnovu dostavljenih zahtjeva/ponuda u skladu sa raspoloživim sredstvima direktno od izdavača vršiti otkup gotovih djela sa tematikom iz odbrambeno-oslobodilačkog rata. Evidentno je da je Udruženje izdalo knjigu čija tematika se odnosi na odbrambeno-oslobodilački rat, a udruženje je ranije u okviru prijave na Javni poziv dostavilo traženu dokumentaciju.

S obzirom na sve navedeno i raspoloživa budžetska sredstva, ocijenjeno je da projekti Udruženja zaslužuju podršku koja će se realizirati u vidu otkupa 18 primjeraka knjige u ukupnom iznosu od 524,00 KM. Knjiga će na ovaj način biti prezentirana široj javosti. Udruženje će sredstva iskoristiti za realizaciju daljih projekata i izmirenje stvorenih obaveza.

Udruženje je obavezan dostaviti kupljene knjige uz potpisivanje ugovora.

Kako su za ovu namjenu odobrena sredstva u Budžetu Kantona Sarajevo za 2019. godinu, shodno navedenom, odlučeno je da se prihvati projekat sa iznosom navedenim u tački 1. dispozitiva Odluke.

Obradio: Velid Imamović



Dostaviti:

- Udruženje za zaštitu istorijskih vrijednosti „Haber“,
ul.Ejuba Delalića 74, Vogošća
- Sektor za ekonomske poslove,
- a/a



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1

